

東鹿五志合集

冀州胡三
齋題



乾隆束鹿縣志卷一

序

束鹿令李君閩中名士也與余有世誼筮仕初補余鑲藍旂教習文章道誼日相切劘覽其著作博種精嚴兼擅史才迨後屢宰繁劇治績種種口碑載道及蒞束又以葭苧聯戚知更稔束邑當滹沱之衝連年被水患君蒞治之三年河忽南徙滙歸滏陽瀕河數十里沮洳之地悉成膏壤次年夏菁葱萬頃麥浪翻雲且徵兩岐九穗之異殆所謂中牟異績歟聞君公退之餘留心掌故時以遺籍缺略爲歎夫鹿城隸保郡之南鄙恒山西亘滹水南環盛人文饒物產卓然爲保屬二十城冠乃邑乘獨闕將屆百年宜李君之慨然興毅然任也爰蒐斷簡於藝林採遺文於故老參以畿輔通志保定郡志復倣稼書靈壽志體間益己見以補所未備閱五月而成書適李君以差務赴都持以示余余受而讀之其事寧信勿疑其詞寧嚴勿濫其序次體裁取確當而務黜雜亂凡山川人物土田疆域貢賦創置秩官選舉以及災祥之徵風俗之殊古蹟之存沒禮教之修廢忠孝節義之潛德幽

光全史煥然胥備諸此觀李君自叙之言曰因地制宜順俗成化政令酌於寬猛之中文章合乎體要之正披其文章卽以窺其政治河伯著靈物產呈祥特其一端也余曩以經術經世推李君夫豈虛語哉今聖天子稽古右文首重經筵蘭臺石室之秘黼藻瑱闡之選拭目而擢循良應以此志之重修爲左券

乾隆歲次壬午都察院掌院左都御史兼鑲黃旂蒙古都統仍管欽天監監正事加三級覺羅勒爾森撰

重修束鹿縣志序

束鹿爲禹貢大陸以東九河以西之地也禹貢稱冀州土白壤說文云壤柔土也無塊曰壤故邑地宜稼穡果樹稱沃饒者以此而性疏力埤東衝決則西壅淤者亦以此且滹沱挾代郡衆流破萬山建瓴而下至近邑數百里間廣陸平原無高山大谷爲障納逞其怒悍之勢奔駛四出至壤城郭蕩田廬而不可禦雖水潦旣降民可作又有一麥抵三秋之諺然城邑遷徙民居蕩析數百年來殆哉矣遑問文獻哉余自乾隆丁丑承乏茲土時

夏汛方漲登高四望浩淼無涯心竊憂之及歷查城堤學舍倉廩壇廟皆風雨剝蝕半就頽圯而邑乘之漣滅又其餘事無暇及矣益悚然懼先其急務鐫俸鳩工築城堤以資保障開川澮以殺水勢固壕塹以護村莊與吾民日夜相度經營不敢暇逸恭逢天子神聖百靈効順河由故道徙寧晉入滏制府桐山公念周民瘼因勢順導環城三四十里水患頓除民獲安枕焉則又修漢世祖古蹟關帝廟慈雲寺蜡神祠以報神庥修南池書院常平義倉養濟院留養局詳請估修城垣以重根本所以求寧吾民者釐然略備矣迺進二三紳士而謀曰邑之有志所以別輿地辨土宜考民俗表士行彰善癉惡信今傳後以垂法守者也而自西來劉公以來將屆百年紀載缺如某竊懼文獻之是墜無以爲官師士民鑑蒐輯之役其烏可緩僉曰然于是取舊志訛者訂之蕪者芟之缺者補之新者增之而九十餘年國家創制之顯庸士籍民行之丕懋以及河渠遷徙建置遞增燦然臚列明如指掌無簡無遺無濫無夸視向之拾殘穿蠹者迥不侔焉夫文章之興廢與政治相爲表裏者也因地制宜順俗成化政令酌於寬猛之中文章亦合乎體要之正曩余濫竽上

海手修邑乘亦本因地爲政因政爲文之旨至今爲採風者之所宗茲六年來與吾民從事者不敢爲因循苟簡亦不敢爲束濕繳繞民亦共喻余之苦心凡鑿鼓之役不待期會踴躍歡呼惟恐或後余更樂撫摩而噢咻之不勞而事已集今粗載篇中者皆是也後之閱者知是邑地勢之卑土性之疏河患之劇民力之蘇未遠慨然思明作有功懋大成裕時爲隄防保護以奠於磐石之安非徒爲文章之觀美而已則余是編方將爲椎輪爲嚆矢是余之願也亦邑之幸也剗剗成爰述其大旨於篇首

昔乾隆二十七年壬午閏五月上浣吉日文林郎知束鹿縣事加三級又軍功隨帶加一級鄞江李文耀識

乾隆東鹿縣志卷首

凡例

一鹿城明時翁康夏賈諸志久沒漚沱新城志權輿於南昌劉公崑後山陰施公承智亦有補綴然寥寥數行不全不備茲於千載參稽百年文獻蒐羅頗費苦心雖云重修儼然創始

一陸稼書先生靈壽志分門別類詳核謹嚴頗得史法彷彿其規廓仍依各省通志例增輿圖武備一標形勝一重捍禦共十二志綱舉目張規模始稱

一每志冠列小序志中分類既多每類之上或另作小引以考証古今得失略示法戒例亦有之蓋序統同而引辨異既關政治議論須切實發揮也靈壽志既統立十志分類立小引又綴論於後殊覺繁複至於官師選舉物產原舉一以概其餘而逐類分引則成箋注類書非志體矣茲於地里建置田賦典禮人物五志下庶政所關不可畸輕者略抒臆見立小引於前不敢爲膚廓官師等志僅統以序不敢爲纖悉斟酌盡善非故

草陽東門外
欲參差也

一侯國他志另立一門靈壽志冠官師之首以食采者代有人也邑侯國舊志無考今據漢史考証僅得四國附於沿革之後使侯國與置縣名不相混爲考古者息聚訟焉

一舊志另列舊城一冊茲刪去略序於古蹟諸城之後滄桑變幻千古興懷况斷瓦頽墻久付劫灰者乎

一村禪舊志分載去舊城若干里去新城若干里茲專載新城以省煩瑣

一舊志寺觀另立一門茲附於壇廟後不敢爲二氏樹幟也

一衙署舊志不載新城反詳舊城故自天啟以來修建無所考據祇就現在登載

一施公所增補在城社學二條爲一時權宜之舉並無常規統歸書院以成畫一

一賦役上關國家經制下繫生民休戚舊志寥寥茲照全書詳載以雜稅鹽務附焉戶口

爲役所起即列於中不更立類

一義倉既有全圖仍詳載於積貯內以關民食且聖朝惠政良模具見於此也

一舊志風俗如憊生豪棍等條皆前明陋習未盡革除百餘年來沐浴教化久已蒸蒸不
變悉行刪去僅載冠婚喪祭歲時伏臘等俗附於典禮之後禮曰禮從俗使從宜志意
本此

一舊志有義勇兵氛二門茲序駐汎民壯曰武備志而以紀事附焉

一舊志人物臚列家傳加以論斷載名分幅一望叢蕪殊非體製茲力芟冗複以類鱗次
非徒省幅且合史裁

一舊城建置碑記無關新邑經營錯載雜陳閱者極滋慙恍茲概從刪斷自國朝始

一舊城八景新城八景久付滄桑所載詩章勉強牽湊多貽後人揶揄刪之知過眼雲烟
不足壽諸金石也

一舊志序文止留劉公施公二篇餘概刪

一名人著述各處郡邑志附其篇目於藝文後以表彰文獻今從增入

乾隆東鹿縣志目錄

卷首

序 凡例

卷一

輿圖志

卷二

地理志 星野
莊墮

沿革
市集

疆域
古蹟

河景
道

卷三

建置志 城池
橋梁

壇廟
舖舍

衙署
養濟院

學校

卷四

田賦志 賦役

積貯

卷五

典禮志
朝賀
祀典
風俗

卷六

官師志
知縣
教諭
縣丞
訓導
典史

卷七

武備志
駐汛
紀事附

卷八

人物志
忠烈
孝子
助爵
貞烈
仕蹟
武功
義行
文苑

卷九

選舉志
進士
封贈
舉人
貢生

卷十

物產志

卷十一

災祥志

卷十二

藝文志

序奏疏

賦詳文

詩鐵券文

著碑記
述篇
目記

乾隆東鹿縣志撰修姓氏

大清乾隆貳拾柒年辛酉科拔貢鑲藍旗教習知東鹿縣事加三級又軍功加一級紀錄

六次清流李文耀重修

分修姓氏

儒學教諭加一級 宋鼎彝

儒學訓導 孫永宗

縣丞 劉坤元

典史候選縣丞 黃天錫

編次

壬申科舉人 張鍾秀

庚辰科舉人 馮世祿

甲子科副榜 周執中

儒

學

生

員 馬欽遠

膳錄

儒

學

增

生 馮文錦

儒

學

增

生 高璉

儒

學

附

生 張文炳

監刻

附

貢

生 馮文會

監

生 張紳

監

生 李宏址

乾隆東鹿縣志卷之一

輿圖志

自我朝採天下郡邑圖藏於天府猶周禮掌諸職方大司徒土訓之制於是郡邑誌亦得例有圖廣而山川狹而村集鉅而城署學校倉儲細而祠宇橋舍其險阨之所在職守之所寄經緯燦然使覽者自得於城雲井樹之外猶人之一身眉目軒豁脈絡流通然後可運四體舉百事豈徒供遊覽之具哉茲帙首全境次縣城括大勢也次衙署次學校次義倉重根本也次光武廟次慈雲寺隆報功也而以各景終焉於是乎可以計守禦可以思撫綏可以振風雅志輿圖

乾隆東鹿縣志卷之二

地里志

周禮鄉遂之長各以其城洫山川溝樹之數貢諸天府由是土訓掌之職方掌之大司徒掌之匪特覽形勢測廣輪而占驗之休咎損益之得失山川疏濬之宜人民豐嗇之數胥

見於此鹿邑於寰宇若彈丸然背上谷控中都遠接滏漳近扼潯水三輔間號稱沃邑
川原村落綦布星羅惟是陵谷變遷廢興不一循其實而謹書之不附會不鋪張庶後之
君子有所攷志地里

星野

漢書云昴畢冀州月令章句自胃一度至畢六度謂之大梁之次清明穀雨居之趙之分
野帝王世紀云自胃七度至畢十一度爲大梁之次二說度數少異而星次則同然皆舉
全趙言之晉書信都入畢三度安平入畢四度東鹿界信都安平間或入三度入四度均
未可定然唐一行分野之說以山河首尾雲漢升降爲推測理深數奧非可臆會姑從舊
志分列俟精保章氏學者辨之

東鹿故趙地於方屬冀於次屬大梁於象屬昴畢晉志 昴畢趙冀州

魏郡入昴一度 鉅鹿入昴三度 常山入昴五度 廣平入昴七度

中山入昴八度 清河入昴九度 信都入畢三度 趙郡入畢八度

安平入畢四度

河間入畢十度

真定入畢十三度

沿革

秦分郡縣爰啟紛更終漢之世瓜分寓縣以封其子孫燕南趙北四百里間封侯國者三十餘或一邑而殊名或朝夕而改隸制之未一政令將安附束鹿自唐改鹿城得名唐以前析置者八改隸者二邑名同音異者三唐以後改隸屬者九何紛更若斯之甚也至皇上御極二年始專屬保定府文省而事集令簡而俗安誠超越前禩歟舊志封國與置縣牽混且無確見茲斟酌諸史與水經注訂正於左而以漢封國四附見讀者可以考其大略矣

夏

冀州地

商

冀州地

周

并州地

春秋

晉地

戰國

趙地

秦

鉅鹿郡地

前漢

安定縣

劉煦資治通鑑注鹿城漢安定侯國今考漢侯國無此名疑是安定縣之

誤

鄆

縣

廣韻鄆音礪與鄆同音

賁

縣

集韻賁音誓漢侯國名又為縣隸鉅鹿

俱隸鉅鹿郡

西

梁縣

侯國改置縣尋廢入鄆

樂信縣

侯國改置縣尋廢入鄆

後漢

鄆

縣

音同鄆

省安定賁

縣入之隸鉅鹿郡

晉 鄆縣

隸石趙

後魏

鄆

縣又作鄆 音俱同鄆

仍隸鉅鹿郡

北齊

安國縣

因漢安國侯邑得名

隸鉅鹿郡

隋

安定縣

文帝六年

開皇改名 隸鉅鹿郡

晏城縣 開皇十六年改名

鹿城縣 開皇十八年改名

隸信都郡

唐

鹿城縣 武德四年隸河北道廉州

貞觀元年隸河北道深州

貞觀十七年廢

深州隸冀州

先天二年仍置深州隸深州

東鹿縣天寶十五年改名隸深州

史天寶十五年明皇以安祿山反改常山之鹿泉爲獲鹿饒陽之鹿城爲東鹿以厭之

宋

東鹿縣初改隸鎮州淳化九

年改屬眞定府隸深州

金

東鹿縣屬河北東路隸深州

元

東鹿縣初

省入深澤尋復置屬保定路隸邢州

明

東鹿縣屬保定府隸邢州

國朝

東鹿縣屬保定府隸邢州

乾隆二年東鹿縣屬保定府始不隸邢州

附漢侯國

舊志因漢有陸成侯國音與鹿城相近疑陸成漢時在邑地然據地里志云陸成屬中山國即今蠡縣也以隋之鹿城而與漢相牽合似不可從照通志

訂正

樂信侯國

漢宣帝封廣川繆王子強爲侯國傳何賀涉三世改爲縣